

DALFUS
by Alban Henry

Verse 1

Only last year April on Easter Bank Holiday
Dalfus introduce to me up ah La Soufriere
Ee say ee interested to know me whole family
Me tell him to come right home to meet me mammy

Chorus

Oh oh oh oh oh! Dalfus garn, Dalfus garn, Dalfus garn
Dalfus garn away
Oh oh oh oh oh! Dalfus garn, Dalfus garn, Dalfus garn
Dalfus garn away

Verse 2

Ee come wid ee suitcase drivin a big motor car
An over ee shoulder had a lovely guitar
Me serve him wid crayfish, potato and callaloo
He promise me faithfully dat he would be true

Verse 3

But me mammy fretful she acting like an ole heg
She chase away poor Dalfus wid a table leg
Dalfus tek ee suitcase ee tell nobody goodbye
Ee lef me and garn away ee lef me to cry

Verse 4

Ee say ee go come back ee garn go wuk ah St. Croix
Ee say ee go come back home when me mammy die
But me miss me Dalfus, me miss me Dalfus too bad
Me hope ee go come back home before me go mad